

Nuorttanaste

»Gæca dam Ibmel labba,
gutte mailme suddo guodda!«

»Son dagai rafhe su ruosa
varai bokte.«

No. 18.

12. jakkegærdde.

»Nuorttanaste« maksa ovta kruvna jakko-
dagast, bladde dinggujuvvu juokke poasta-
rappe bokte.

30. September 1910.

»Nuorttanaste« olgusboatta guovte gærde
manost — dam 15ad ja dam 30ad bæive
juokke manost.

Ibmel albmugi.

»Jeddiaket, jeddiaket mu albmug
cælkka din Ibmel. Sardnot rakkaset
Jerusalemi ja čuorvvot dasa, atte dam
soatte læ loapatuvvum, atte dam vælg-
ge læ maksujuvvum, atte dat læ ožžom
Hærra giedast guovtegærddasažat buok
su suddoides oudast.« Es. 40, 1—2.

Dat tæksta cælkka migjidi,
atte læ okta albmug, maid Hær-
ra namata su albmugen. Jur-
daš maggar olgusvalljejubme or-
ro dam nama siste ja dam dilest!
Daggo bokte, atte si Ibmel alb-
mugen goččujuvvujek, læk si big-
jum olgobællai sin, gæid čala
namata „mailbmen“. Čielggaset
læ ragje bigjum Ibmel albmuga
ja mailme gaskast, stuora erotus
læ maid sin gaskast sikke olgol-
dasat ja siskaldasat. Nuftgo Ib-
mela armetuvvum ja oamastuv-
vum albmug læ dat ožžom æra
vaimo, æra vaibmolage Hærra
oudast ja buok dam oudast, maid
Hærra rakista.

Dam albmugest æi læk sëm-
ma lagan illo-avdnasak go mail-
mest. Hærra læ šaddam dam
albmuga bæste, fabmo ja maid-
nom-lavla. Mailme illoda oaže
havskevuodast ja buok dast, mi
læ ædnamlas; mutto Ibmel ma-
nai illo læ almalaš.

Sist læk maidai æralagan
moraš-avdnasak. Smavva dingak
mak gullek bæivvai ja janduri,
sattek mailbmai čierroma buktet,
muttogo Ibmel olbmuk moraštek,
de læ dat čiegnales vuoinalaš
dingai diti. Davja læ sist stuora
moraš damditi go i mana, nuftgo
si halidek sin bassendakkujumin,
si æi riehta šadda Ibmel lagašen,

ja go sin mielast i oro Ibmel
rika oudnanemen, de læ maidai
dat sin-moraš avnas. Dam aše
diti savai Jeremias atte su čal-
mek lifči ganjal-agjagak, Paulus
dam sëmna diti morašti, ja Ol-
jovare alde čieroi Jesus damditi
go Israel olbmuk æi vuostaivald-
dam Ibmel rika.

Ibmel albmuga ja mailme
moraš- ja illo-avdnasak æi læk
dalle nabo dak sëmnamak. Dat
mi mailme galgga jeddet fertte
læt mailmalaš; mutto i læk ma-
nenge avkken Ibmel manaidi fal-
lat mailme jeddetus avdnasid ja
cælkket: „Sikko gadnjolidak ja
juga burist dast mi min læ illo-
dattam.“ Ibmel manast fertte
læt sierranes jeddetus, man bag-
jel aivestassi Hærra radde, ja dat
jeddetus læ oytain sanin cælkket
Jesus.

Gæččad rakis lokke ješječad!
Mi læ dat mi du matta jeddet?
Lægo dat almalaš, vai lægo dat
ædnamlas dingga? Dat Ibmel
albmug lossadet orro Hærra vai-
mo alde. Loga dam vuostas vær-
sa:

»Jeddiaket, jeddiaket mu albmuga!«

Mi æp lave sanidomæk gærd-
dot, ærepgo dalle go læ mikkege
man ala mi erinoamas dæddo
bigjat, ige oktage sate Hærra si-
vatallet darbašmættom sani gærd-
doma diti. Go son gærddo sani-
des dam vørsast, de læ dat dam-
diti, atte su vaimost læ darbaš-
vuotta migjidi ibmardusa addet
moft son rakisen adna su albmuga.

Dam duodaštusa oažoi Ibmel
Moses aige juo. 5 Mos. 33,3
čuožžo: „Duodai, son adna

su albmuges rakisen,“ ja
dat duodaštus galgga su birra
bissot gidda beivi loapa ragjai.
Dat galgga čuogjat garrasæbbo ja
garrasæbbo, dademielde go bæi-
vek vassek.

Ibmel jedde su albmuges
Kristusin ja su dagoin. Min tæk-
sta sardno dam birra, atte mi
løp ožžom guovtegærddasažat
Hærra giedast buok min suddoi-
dæmek oudast ja atte min vælg-
ge læ maksujuvvum ja min soatte
loapatuvvum. Olmuš dovdda je-
čas fanggijuvvum laga vuollai ja
vigga soattat ječas oudast guvlui
friavutti. Dak sanek: „Don ra-
kadak mudnji bævde aido mu va-
šalažai čalmi oudast,“ æi aiccujuv-
vu. Dam sagjai go olmuš galgaši
čokkanet dam bævddai ja diktet
vašalažai hæredet, vigga olmuš
soattat.

Dat nuorra David aidoi okti
soattai Saulusa garvoiguim, mut-
to dat i mannam burist. Jos mi
galggap šaddat Ibmel soatteolma-
jen, de ferttep mi vuost čokkanek
Ibmela armo bævddai apid oaž-
žot. Dakkop mi dam buokak, vai
mi cavcep soadest.

Basotakgo don sodnabæive?

Muttom darolaš pappa muittala:
Go mon legjim pappan Amerikast, de
læi dam gavpugest, gost mu særve-
godde læi, okta olmai, gutte i goasse-
mannam girkest. Sodnabæive læi sust
æra barggo go atte čokkat ja guldalet
Ibmel sane. Son ani buorebun barg-
gat bassebæive iddedest gidda ækkedi
samma lakai go arggabeivid.

Muttom sodnabæive oidne olb-
muk su malemen aide gilvagardest,

ja muttom ära sodnabæive goaivoi son muolda ja divodi härvarasid šad-dam lakai — alo læi juoga dakkat.

Muttom dalve læi son hui doaimast. Go mon sodnabæiveidded mannim girkoï, ferttijim mon vazzet mäddel su vieso ja guldalet, moft son hävvalasti ja huškoi su barggoviesotes. Mon čilggijim sudnji, atte i dat læm mikkege buristsivdnadusaid sodnabæive bargost. Mutto son dušše boagosti ja arvvali, atte gal mon vel galggim oaidnet, atte dast læi buristsivdnadus. Go namalassi gidđa bođi, de galgai læm vanas garves, ja de galgai son sodnabæive vuolgget dæno ala su akaines ja 4 manain. Dalle galggim mon oaidnet, atte su sodnabæive bargost læi buristsivdnadus.

Gidđa bođi, ja vanas læi garves. Dat hoiggjuuvvui vuolas dædnogaddai, gost dat vällai ja vurdi sodnabæive boattet. Sodnabæive bođi, ja olmai manai vadnasi su daloines ja sugai čävllajet favllai dam goalkes mæra alde. — Jurdaš, atte oktage sati dagjat, atte son i ožžom buristsivdnadusa vadnasest!

De læi maŋnelgaskabæive. Læi hui lieggas, ja olmai læi bigjam airroid sisa ja čokkai ja snappodi, go su akka ja manak lavllo ja legje ilost dam havskes bæive diti.

De gullujek gaddest moadde famolaš jiena čuogjamen:

»Varot, varot, don rievdač gorže vuostai!»

Olmai vadnasest njuikki bajas ja gæčai suorgganemin birra, ja aido riehta — vanas lakkani hirbmos jottelvuodain dam stuora gorže vuostai. mi jorati manga bapirfabrika. Olmai doppi airroid ja sugai ja sugai ravnje vuostai buok navcaidesguim; mutto njiello læi ila garas, si lakkanegje æmbo ja æmbo dam šavaidægje goržžai. Dat vaivan olmai sugai atestusa naicaiguim, ja olbmuk gaddest oidne, moft su akka ja manak gæigotegje giedaidæsek alme vuostai ja čurvvo lbmelest bestujume. — Mutto vanas manai dego njuolla bagjel gorže. Dat čuovkkani ja 6 lika guddujuvvejegje ækkedest gaddai vuolabælde gorže.

I læm buristsivdnadus dam sodnabæive bargost.

Ædnag olbmuk gavdnujek, gæk alo gaddek ječasek nagadet dakkat dam, maid si æi goassege læk gæččalam dakkat.

Doluš aige muittalus

Jesusa birra.

Jagest 14 rajest 37 ragjai maŋnel Kristus radđi kaiser Tiberius Romast. Son gočoi su vuolebužaides addet diettevassi buok dabalašmættom dingaid, mak dpatuvve dam aige. Dobbe gavdnui maidai čuovvovaš muittalus Jesusa birra: »Dam aige oidnu okta gudnebalolaš olmai, gutte goččujuvvu Jesus Kristus, ja gutte olbmui adnujuvvu duottavuoda profetan, ja su ječas mattajægjek goččodek su »Ibmel bardnen.«

Son bajasbokta jabmid ja buoreda buoklagaš davdai. Son læ allag ja hamalaš, læ čabba, gudnalaš mutto, nuft atte olmuš sikke rakista su ja balla sust. Su vuovtak læk ruškad ja hængajek gukkes bargaldakam olgi mielde vuolas, ja gæsko oai ve læ juokko nazarealaš viero mielde. Su gallo læ šælggad su muođok finas ja čabba. Su muođok læk dielkoitaga, ja læk hui liggos ja vchaš ruoksad. Su skavčča læ garas, mutto i gukke, ja sœmma ivdne go vuovtain. Su gæčastak læ vigetæbme, čalmek læk radnas, šælggad ja ællai. Son læ usteblaš su ravvagin, ja vuoiggadlaš sardnodet. I læk oktage oaidnam su boagostœmen; mutto ædnagak læk oaidnam su čierromen. Su rumaš læ čabbat forbmijuvvum, su giedæk ja suormak læk hui čabba. Su sardnom læ duodalaš ja vises.

Dam vides mailmest.

Sængabuoccen 26 jage.

Okta nieidda Kristianiast šaddai 22 jage agest buoccen, nuft atte son fertti vällat sængast. Dasto son i šat læk sattam čuožželet bajas. 26 gukkes jage læ son vällam stuora bakčasi siste. Algost gartai sudnji aigge gukken; mutto son soabati ječas su lossa vurbines. Gieskad jami son, maŋnelgo læi vällam sængast 9150 jandura.

Guđa jage giddagassi

dubmijuvvui dat olmai, gutte mannam gœse Harstast viggai sorbmit su skip-pares oažžom diti su ruđaid. Son dubmijuvvui maidai masset 10 jakkai borgarlaš vuoiggadvuodaid, atte makset 300 kruvna sudnji, gœn læi aiggom goddet ja 60 kruvna ašše-olgušgoloidi.

Čaccedulve Ruotarikast.

Daina maŋemuš beivin læ arvvam nuft sagga Mada-Ruotarikast, atte i olbmui muitost læk nuft čaccedulve læmaš. Muttom baikin læk viesok čacest, ja bælleoasse gordnešaddost læ billašuvvam.

Mailme dærvasæmus manak

ellek daina skottalaš allaædnamin. I oktage sist ane ouddamœrka diti skuovaid ouddalgo læk uccemusat 12 jage boarrasak.

9 miljon nissona

gavdnujek dal Tuiskaædnamest, gæk ječa æletek lægasek. Bælleoasse rika nissonin.

Okta olmai Troandemest

læ addam 5000 kruvna allaskuvlafondi.

150 olbmui

læk dollavavno-likkotesvuoda bokte havvaduvvam lakka Oporto gavpuga Portugalast, muittaluvvu Lissabonast.

Dubmijuvvui giddagassi

buoredæme gæčeld rokkus bokte.

Muttom 50 jage boares olmai Preussenest šaddai dubmijuvvut ovta mannoi giddagassi, damditigo son læi buoredam ovta æra rokkusa bokte.

Rievte oudast ouddanbuktujuvvejegje duodaštusak, atte son læi buoredam soabmasid rokkusa bokte. Okta duodaštegjin læi maidai buoreduvvum. Rievte oudastolmai jærai sust, oskoigo son rokkus buoredægje famo ala.

Olmai vastedi: »Oskom galle, dastgo odđa testamentast čuožžo dam 16ad kapitalest Markus evangeliumest, atte Jesus læ cækkam: »Mu nammi galggek si bigjat giedaid bucci ala, ja si galggek dærvasmuvvat.«

Rievte oudastolmai dubmi olbma ovta mannoi giddagassi. Duobmostuollo luovosaddi olbma, dainago dat gavnai, atte dast i læm mikkege varrevuodaid. Go luovosaddujubme dietuvvui, buorastattujuvvui vaiddalægje likkosavaldagaiguim rievtesalast.

Vaibmo gorrujuvum gidđa.

Muttom olmai Østerrikast šaddai bigjujuvut buoccevissoi, go doarroma gæčeld læi ožžom nibesarje vaibmoi. Doayter valdi ja goaroi sust vaimo gidđa, ja 4 vakko orroma maŋnel buoccamviesost læi son fast dærvas.

Okta aige mærkka.

Tui kaadnamest gavdujuk dal 250 duhat angeres Buddhareligion-lattok (muttom bakenas religiona). Dak bagjelgečček buok kristalažaid ja gæččak leittitusaid dam britalaš miššona oudli bigjat. Leipzig gavpugest le okta buddhalaš miššonsærvve, mast lek 11 jotte sardnedægje.

Munchen gavpugest čoaaganek juokke sodnabeiveaked olles joavkko eruoamačēt boarrasbaele olbmain rok-kadallat Buddha.

Frelsesarmea

oažžo dal muttom baikin min ædnamest statagirkoid čoaagalmasvisten.

Muttom engelas soaldat bođi muttom ovtta gavppevi-soi ja jera, man ollo duppat son galgai oažžot ovtta penny (9 evre) oudast.

Gavppeolmai vastedi: »Don galgak oažžot ovtta rulla, mi olla du gurot bæljest olgīs bæljai.»

Soaldat celki: »Gurot bælje læ su sajestes, mutto olgīs bælje læ vuollen Mada-Afrikast.»

Gude rikast læ ænemus vuovdde?

Rekinastujuvvum læ, gudemus rikast Europast læ ænemus vuovdde olmušlogo harrai. Dat čajeta, atte Suomaædnam læ nr. 1, gost læ 750 mitto vuovddeædnam juokke olbmua ala. Nr 2 læ Ruotarika, gost læ 381 mitto olbmua ala ja Norgast 305 mitto.

Dak guokte lege stuoremus**gavpuga mailmest.**

Dam ođđasæmus olmušlogo mielde daina moaddelagaš æduamin bottek dak 20 stuoremus gavpuga maŋalagai čuovvovažat:

London gavpug 7,450,000 (čieča miljon, njælla čuode ja vitta lege duhat) assin, dasto boatta Newyorka gavpug 4,500,000 assin, Paris gavpug 2,745,000, Chicago 2,166,000, Berlin 2,103,000, Wien 2,021,000, St. Petersburg 1,550,000, Philadelphia 1,533,000, Moskva 1,412,000 ja Buenos Ayres 1,147,000 assin. Daina stuora gavpugin, mai olmušlokko i dævde miljona, læ Kalkutta, India oaivvepavpug, alemusast, gost læk 993,000 asse, dasto boatta Bombay 978,000 assin, Birmingham 875,000, Hamburg 866,000, Budapest 812,000, Liverpool 763,000, Kairo 693,000, Manchester 649,000 ja Rio de Janeiro 636,000 assin.

Albmuga duobmo

„Lysstraalaboakkani“ bagjel dovvdosi boatta dam lassanægje maŋajerrama bokte, damditi go lek nuft ædnag buoček dærvasmuvvam daid boakkani adnema bokte. Gæča dam birra daid gitos ja rabmomčallagid, mak min plakatai mielde čuvvuk. Mi olgusaddep dal æmbo boakanid go oktage daina æra boakanfabrikantain, mi galle i lek imašlas, damditigo „Lysstraalaboagan“, go mitte-duvvi dietto-olbmain, čajeti ječas sagga vuomalæbbon go oktage daina æra boakanin.

Min boakanak buoredok: Lossavuoiŋanasa daihe „vuoiŋamhædest“, boares lesbmevaddost, varra-orostamvigest, galdnamest, krampast, čielgge- ja spiralbækæsest, nordamest, maŋemus- ja vaibmovigest. Oane kaš aige adnem maŋjel daid boakanid dærvasmuvva olmuš namatuvvum davdain.

Čale bræva, muittal du davdad ja sadde 85 evre oudast frimerkaid dam adressa mielde:

Bureau „Lysstraala“, Bergen.

Agentak ocejuvvajek videdam varas min elektriska-boakanid buccidi ja gillajegjidi. Bureau „Lysstraala“, Bergen.

Moadde sane Guovddagæinost.

Hr. redaktora,

Mon bivdam dam moadde sadnai saje dam ueca blađačest »Nuorttanaste«st. Mon aigom muittalet vahaš dam min suokan dilalašvuoda birra. Dak, gudek assek girkkobaikest birggijek daddeke burist lakkai; dastgo si bessek valddet mæsta juo buok dam tinistus bitta, mi læ. Mutto dak gæk doares bældde læk, dai oudast i ane oktage morraš, vaiko sige galle darbašifči ainasrak tinet. I berust oktage sist vaiko vel duššašegjege. Ja dat vuolgga aivve dam suokan stivra-olbmain, go læ aive okta oaivven ja buok ærak mieldečuvvuk. Buok stivrak dollujek aive dam moadde olbma gaskast, ja dasa læk valljuvvum aive daggarak, gæk miedetek

buok dasa maid Dača arvvala.

Skuvla-aige læ bære gukké, ja ila nuorran gaibbeduvvujek manak dokko boattet, æige daddeke oro oap-pamen favdnadet maidege.

Dærvuodak buok blađe lakkidi.

K. . . Bin.

Mi mist læ girkest.

Girke læ dat viesso, gost Ibiml sadne sardneduvvu riehta ja buttaset, ja gost dak basse sakramentak juogaduvvujek. Girke læ dat basse, oktasuš særvvegodde ædnam alde. Damditi berrik don muittet dam sane Jesusast: Gost guovtes ja golmas čoaaganek mu nammi, dast læm mon gasko sin gaskast.

Sagak olggo- ja sistædnamest.

— Kjøbenhavna riegadek arvo mielde 225 mana vakkost, maina 57 læk luovos mana.

— Lokko eritjavkkam nissonin Chicago gavpugest læi dibma 40,000.

— Salledbivdo Islandast læ dal nokkam. Oktibuck læ dobbe fidnijuvvum 153000 farpal salled.

Englandast assurerijek juokke jage olbmuk hægasek 738,000,000 kruvna oudast.

— Vidnejakkodak læ hui hægjo Mada-Tuiskædnamest.

— Skaanest, Ruotarikast fidnigje mannam jage 10,000 njoammel; dam jage gaddek olbmuk fidnet ain æmbo.

— Bierggohadde Parisa gavpugest læ dal hui stuores, ovtta kilobæle galbe-biergo i oažo vuollel 90 evre.

Tokiost, Japan oaivvegavpugest, læ gavdnum okta vurdnamsærvve, mi bargai dam ala, atte oažžot sorbmit Japan kæisara.

— Kjøbenhavna gavpugest gavdnujek dal 205 naittalam oapatægje nissona ja 761 naittalkettes, mutto ješ Danmarkost læ aido muttom ueca oasaš naittalam oapatægje-nissonak.

— Hirbmos garradalkke bæggotuvvu dal læmen Spaniast. Gordnešaddo læ ædnag baikin billašuvvam. Ædnamgavpugak ja æra gavpugak læk čæcest.

— Muttom danskalaš javalaš olmai addi ovtta lokomotiv-fievredægjai, gutte gajoi su aka, golbma mana, vavno ja hæsta dam visses jabmemest,

— 300 kruvna gitosen. Gonagas Fredrik bovdi lokomotiv-fievredægje lusa ja addi sudnji muittoruosa.

— Daina oktiovtastattuvvum statain Amerikast gavdnujek 400,000 automobila, mak dakkek 2400 miljon kruvna oudi.

— Muttom doaktarak læk dutkam ja gavdnam, atte guolle čacest valdda kolerabacilaid sisas ja vidanatta daid. Daddeke jabmek bacilak, go guolle vuššuvvu.

— Olbmuk læk alo jakkam, atte Rockefeller barnebardne, gutte suitta 210 miljon kruvna, læ dat riggasemus manna mailmest, mutto okta æra bælgoalmad-jakkasaš manna suitta 2¹/₂ gærde nuft ollo, namalassi bælle milliard kruvna.

Almgskuvla Schweitzast

čuožžo dabalažat burist; mutto madagæce oasest dam rikast læk dilalaš-vuođak gukken erit duttavažak. Muttom baikin læ skuvla dušše dalveg. Gæseg læ skuvla dappuvvum. Oapatægje fertijek dam aige æletet hægasek æra bargoin; dak boarrasæbbok barggek ædnambargo, nuorabuk jottek dovdos baikidi, gost si gavdnek juoga lagaš bargo, ja muttomak tinijek gæseg manga gærddai æmbo go maid sin oopatægje-balkka dakka.

Norga stuoremus damppa

læ vissasi »Artemis,« maid stataminister Michelsen læ rakadattam Englandsast, ja mi gieskad bođi Norgi. Dat damppa suvdda 10,000 ton (cvta tonast læ 1000 kilo) ja læ 213 alan gukko. Dat læ dal vuolggemen mađegæđgelastain Buenos Aires gavpugi Mada-Amerikast.

Buorre radde lutokidi.

Okta buorre radde javkkadam varas lutokid erit læ garra salttelaka. Olmuš buonjosta lippara daihe færa maid dingaid salttelagast ja sikko daina buok salvoid ja luodanemid, gost lutokak elošte. Nubbe buorre radde læ: go sikko salvoid dabalaš sukkis guolevuojain ja dasto gavgota divrebulyvarid ala. Dasto valdda ja bassa seinid guovte bæive mañjel, ja lutokak javkkek aibas.

Kinesalažain

læ okta sadnevajas, mi čuogja naft. Go sabel ruosto ja spoađdo læ šælggad, — go giddagasak læ gurros ja

olbmak garremin, — go rasse šadda radđinviesoi trapai ala, — go doaktarak vazgek ja laibodægje ridejek, — de læ ædnam burist radđijuvvum.

Miššonbargo

ouddanæbme

1810---1910 ragjai.

1810.

1. Mæsta juokke rika Asiast ja Afrikast læi dappuvvum evangelium oudast.

2. Dam kristalaš girkost i læm mikkege doavoid bakenmiššona ala.

3. I oktage protestantalaš kristalaš gavdnun bakenædnamin.

4. Dušše 100 bakenmiššonæra legje olgussaddijuvvum.

5. Bibal læi jorggaluvvum dušše 65 gilli.

6. Dušše soames duhat kruvna adduvvui jakkasažat bakenmiššoni.

7. I oktage dalkastægje-miššona gavdnun.

8. I oktage miššon-buocceviesso ja manasida gavdnun.

9. I mikkege bargoid rikasistriegadam mieldevæketegjin.

10. Miššonbargost i læm mikkege arvostadnujumid daina amerikanalaš ja engelas universitetain.

11. I oktage naittalkættes nišsonalaš miššonæra læm ja i mikkege bargoid nišsonidi.

12. I oktage miššon-prentem-mašinaid gavdnun daihe mikkege servid skappom ja videdam varas kristalaš bajasčuvvgitusgirjid bakenædnamidi.

1910.

1. Olmuš oažžo dagjat, atte juokke rika mailmest læ rabastuvvum miššonæraidi.

2. Buok evangeliumlaš girkkosærvæk likojek bakenmiššoni, Atte sardnot miššona vuostai adnujuvu hæppaden ja mærkkan diettemættomvutti.

3. Bagjel 2 miljon protestantalaš kristalaža læk čoađganam bakenædnamidi, æreb daid, gæk læk jabmam oskost.

4. Lakka 22000 bakenmiššonæra gavdnujek dal.

5. Bibal læ jorggaluvvum bagjel 500 gilli ja giellačærdaidi.

6. Dat jakkasaš obmudak, mi bakenmiššoni čoggujuvu, dakka arvo mielde 90 miljon kruvna.

7. Bagjel 1000 dalkastægje-miššonærak divšodek jakkasažat golbma

miljon buocce miššonædnamin.

8. 400 miššonbuocceviesso ja bagjel 500 manasida ja miellabuocceviesso gavdnujek dal, mak stivrijuvvujek miššonærain.

9. Arvo mielde 93000 rika sistriegadam papæ ja evangelistalaža barggek ječasek rika olmui særvest.

10. Duhatak allana'ag oappamolbmain læk miššonbargost, ja duhatak læk aiggomen vuolggget.

11. Bagjel 6000 naittalkættes nišsonalaš miššonæra barggek bakenalaš nišsoni ja manai gaskast.

12. Bagjel 160 miššon-prentemviesso gavdnujek, ja 400 kristalaš blađe ja aigečallaga prentijuvvujek miššonbaikin.

Manen saltte satta adnujuvut.

Saltte læ buorre manga dafhost. Uccanaš luvvadæbme saltid čacest læ buorre hæjos čalmidi, ja burist luvvadæbme gukkeb aige læ buorre vuoktašaddoi, vuovtak šaddek dalle jotte-læbbot.

Ovta baste saltæk ja okta glasa čacce sægotuvvum okti læ buorre čoaivebonjnatakki. Jos dust læ bavčäs muođok, de čana liggijuvvum saltid line sisa ja bija dam daggo, goggo bavčäs læ, ja dat galgga avkotet.

Saltte læ buorre badnebulvaren, Dat dakka banid vielggaden, badneoaže ruoksaden ja adda dærvas vuonanas.

Vieksačuggemi læ buorre adnet saltid lakta line siste.

Ouddalgo ranok lebbijuvvujek lattai, berrijek dak gavgotuvvut uccanaš saltiguim, dat doalla mucco erit. Jos don gometak blæka gnolbberano ala, de gavgot saltid dasa ja sikko blæka erit moadde gærde baparin, mi dam varas læ rakaduvvum.

Salttečacce læ buorre čoddabakčasi, go olmuš jukka dam ouddalgonokkat bigja.

Jos jieđnačoałtto læ galbinom trapai ala, de gavgot salti dam ala, — ja dat javkka erit dallanaga.

Jos læ mikkege, mi læ bakas, daihe borramušast boatta buollamhagja vuosadedin, de ane saltid.

Go olmuš cakketa dola, de oažžo buorebut buollet, go vehaš bigja saltid dolli.

»Nuorttanaste« čalle, prentteægje ja olgusadde læ G. F. Lund Sortland, Vesteraalen